

貴池縣志

貴池縣志卷三十九

知貴池縣事陸延齡重修

人物志

方技

明

張紳洪武閒以薦授右僉都御史工書著有稱名篇論執筆法

為時所宗

府志 按通志
紳載宦績新纂

汪九仍侍郎珊之子善風鑑斷人休咎坐照如神

舊志

章一第號涵虛世有隱德治小兒痘如神尤善為婦人醫子大

貴池縣志

卷三九

人物志 方技

一

寰字宇小世其學

舊志

僧曉雲上雲寺僧善治痘有他醫以為可治者曉雲獨不可亦

有他醫以為不可治者曉雲獨可計月斷生死無一差不責

報後以授其徒通和通和之術復過於師以從吳應箕起義

死遂失傳

舊志

朱良翰號文泉其先系出金華世以醫著深明脈訣投劑如神

子世甯崇禎時繼其業有名於時別見孝友傳

舊志

國朝

曹曰瑛字恆齋工書畫康熙初遊京師王公巨卿尊禮之

四方多索筆墨以輝屏幃嘗爲內監書扇

聖祖仁皇帝見而賞之授翰林院待詔

御纂性理精義周易折中諸書曰瑛皆充武英殿繕寫冊 采訪

夏鼎字禹鑄康熙八年武舉精岐黃術尤善爲小兒醫起

死回生百試百驗著幼科鐵鏡六卷精理奇方多前人所

未發海內傳之采入

欽定四庫全書冊 采訪

以上漆志附新纂

童汝吉精堪輿康熙乙未青邑吳尚書襄以雙溪高隱題

貴池縣志

卷三九 人物志 方技

二

贈冊 采訪

姚維號竹溪工六法冊 采訪

郎梓號琴舫工畫蘭冊 采訪

吳邦彥例貢生精堪輿善醫術兼工詩賦冊 采訪

章元弼監生字鼎臣年踰七旬精岐黃診脈立方折衷盡

善活人無數著有傷寒註疏醫學淵源及醫案編冊 采訪

陳其祥文生善書畫著有詒謀集冊 采訪

陳之蔭善畫水墨牡丹尤工題咏冊 采訪

姜尚周精堪輿善奇門術能預決水火時刻言無不應屢

言城南大橋有礙縣事議改浮橋未果而尙周卒

采訪冊

方正明號紫峰從九品精堪輿善卜筮光緒二年新建文

昌宮時日方向皆所手定待人誠篤時行方便年七十

八夫婦齊眉眼觀四代子二孫八曾孫七長子策歲貢

人咸謂其積善有慶云

采訪冊

以上新纂

